



20. maj 2016

Inatsisartut Suleriaasianni § 37 naapertorlugu Naalackersuisunut apeqqutit imaattut matumuuna saqqummiuppara:

Naalackersuisut nunasisunut akuunerulersitsinissamut nalunaarusiaat UPA2015-mi Inatsisartunit suliakkerneqartoq sumut killippa? Aammalu suliaasaq qanoq tiguaat?

(Inatsisartunut ilaasortaq Tillie Martinussen, Demokraatit)

Tunngavilersuut

Ukioq ataaseq qaangiuppoq Inatsisartut aaliangiiffigisassamik akuersimmata (UPA2015/131)

” Naalackersuisut nalunaarusiamik saqqummiussinissamut suliakkerneqarpoq. Naalackersuisut nalunaarusiami erseqqissassavaat inuit aaliangersimasut Kalaallit Nunaannut nuuttut akuunerulersinnaanissaannut suliniutit. Naliliineq inooqatigiinnermut kultureqarnermullu akuunerulersitsinermut tunngassaaq. Nalunaarusiami nalilernerqassaaq maannakkumut ataatsimik oqaasillit Kalaallit Nunaanneereersunut suliniutit inooqatigiinnikkut kultureqarnikkullu kalaallit Nunaanni akuunerulernissaannut tunngasut. Nalunaarusiaq ataatsimut isigalugu eqqarsaatissiissuussaaq siunissami namminerisamik akuunerulersitsinissamut inatsiseqalernissaa Kalaallit Nunaannut nuunniartunut aammalu ataatsimik oqaatsillit Kalaallit Nunaanneereersunut siunertalimmik”.

Kultureqarnermut, Ilinniartitaanermut, Ilisimatuussutsikkut, Ilageeqarnermullu ataatsimiitsitaliap isumaliutissiissutimini piumasaqaatigaa UPA2015/131 Naalackersuisut minnerpaamik eqqarsaatigissagaat akuunerulersitsinissamut nalunaarusiami erseqqissaassutigissagaat uku:

- Inuutaasunut ataasiinnarmik oqaasilinnut kalaallit nunaanni najugaqavissunut inuuniarnikkut kulturikkullu akuunerulernissamut aporfissat suut piuppat?
- Inuutaasunut ataasiinnarmik oqaasilinnut kalaallit nunaanni najugaqavissunut inuuniarnikkut kulturikkullu sapinngisamik pitsaanerpaamik akuunerulernissaannut tigussaasumik suut neqeroorutigineqarpat?



- Qulaani taaneqartut sivisuumik sunniuteqarnisaannut tigussaasumik neqerooruteqartoqarnissaanut qanoq naatsorsuutigisaqartoqarpa?
- Neqeroorutitut qulaani taaneqartunut aningaasartuutit qanoq amerlatigisut atuuppat?
- Neqeroorutit qulaani taaneqartut pillugit inuttaasut ataasiinnarmik oqaasillit qanoq annertutigisumik ilisimatinneqartarpat?
- Innuttaasunut ataasiinnarmik oqaasilinnut kalaallit nunaanni najugaqartunut oqaatsitigut piginnaasaqalernissamut suut pisinnaatitaaffiuppat aamma suut periarfissaappat?
- Inuttut kulturikkullu akuunerulersitsinissaq anguniarlugu inunnut kalaallit nunaannut nuussimasunut tigussaasunik suliniuteqartoqarpa?
- Suliniutit taakku tunngavigalugit misilittakkat suut pigineqalersimappat?
- Suliniutitut taakkununga aningaasartuutigineqartut qanoq annertutigaat?
- Pisinnaatitaaffiit, pisortat, oqaatsinik ilinniarnissamut periarfissat peqqinnissaqarfiup neqeroorutai akileraartarnermut tunngasut il.il inunnut kalaallit nunaannut nuuttunut qanoq annertutigisumik ilisimatitsissutigineqartarpat?
- Inunnut kalaallit nunaannut nuuttunut akuunerulersitsinissaq annertunerusumik anguniarlugu paasissutissat suut tunniunneqarsinnaappat?
- Inunnut kalaallit nunaannut tikittunut paasissutissat taakku tunniunneqassagaluarpata nukissaqarniarnikkut iluaqutaasinnaaneri qanoq naatsorsuutigineqarpat?
- Inuit kalaallit nunaannut nuuttut paasissutissanik annertunerusunik kiisalu namminneq inuiaqatigiinnut nuuffigisaminnut qanoq ilillugit piumassuseqalersinneqarsinnaappat?



Ataatsimiitsitaliattaq Naalackersuisut sakkortuumik piumasaqaateqarfigaat pineqartut peqataatinneqarnissaat nalunaarusiap suliarinerata ingerlarngani. Ataatsimiitsitaliap tassunga erseqqissaassutigaa peqatigiiffinit, inuussutissarsiornermit, pisassaqrarfiit assigiinngitsut, suliatigut peqatigiiffiit, upperisallit assigiinngitsuniit il.il. akuutinneqarnissaasa pingaassusaa.

Kultureqarnermut, Ilinniartitaanermut, Ilisimatuussutsikkut, Ilageeqarnermullu ataatsimiitsitaliap uparuaassutigaaattaq akuunerulersitsinissamut nalunaarusiaq tunuliautissatut atorneqarsinnaasoq akuunerulersitsinissamut politikkeqalernissamut.

Pingaarteqarpoq innuttaasut inuiaannik allanik tikissimasoq nunatsinnut tikilluaqqusaanissaa, soorlu uanga ikinnerussuteqartut illersugaasarnerinik nuannaartorinnittuusunga. Akuunerulersitsinissamut suliniutinut akuunerulersitsinissamullu politikkeqalernissamut tunngavilersuutissanik paaseqatigiinneq aqqutissaalluarpoq.

Akuunerulersitsinissamut suliniutit aammalu akuunerulersitsinissamut politikkeqalernissamut sammisat ukiuni kingullerni poltikkikkut soqutigineqarlualernikuupput. Taamaattumilli ksimiissimanavianngilanga pissanngatigigaa suliamut sumut killinnermut paasinnikkusuttoq.